



## Terenga 4: Hōtaka 18 - Ko te reo kia Māori

### He Mihi

Tauti mai rā kei ngā uku i roto i te pakanga kia ora te reo, kia tika te reo, kia rere te reo, kia Māori anō hoki te reo. Nau mai ki te whare haumarū o Ako.

### Hei Mahi Whakarongo

Ko te kaikōrero o te rangi nei nō roto mai o Tūhoe, o Ngāti Manawa me Te Arawa. Kua roa tonu ia e whakaako ana i te reo i ngā whare wānanga o Waikato me Ōtākou. I a koutou e whakarongo ana ki ana kōrero whakamahuki, tēnā whakautua ēnei pātai:

1. E whakatauritehia ana te kupenga hao ika ki te aha?
2. He aha ngā huarahi e rua e kōrerohia nei e Poia?
3. He hua tō te upoko mārō?

### He Whakamārama

He rite te hinengaro reorua ki te kupenga whīwhiwhi i ētehi wā. Ka raru te reo Māori i ngā whakatakatoranga o te reo Pākehā, ka puta ai ko ēnei momo hapa:

- |                              |                               |
|------------------------------|-------------------------------|
| 1. He aha tō kimi? ☹️        | E kimi ana koe i te aha? 😊    |
| 2. Kei whea tō haere? ☹️     | E haere ana koe ki hea? 😊     |
| 3. He inu mō koe? ☹️         | He inu māu? 😊                 |
| 4. Ka taea he āporo, koa? ☹️ | He āporo māku. 😊              |
| 5. Pīrangī koe tēnei. ☹️     | E pīrangī ana koe ki tēnei? 😊 |
| 6. Haere! Tiki! Kia tere! ☹️ | Haere! Tīkina! Kia tere! 😊    |

### Hei Mahi

Whakatikahia ngā hapa i roto i ngā rerenga kōrero e whai ake nei:

1. Pea ka haere mātou ki te hui āpōpō.
2. He rawe te hui. Anō hoki, tokomaha ngā tāngata i tae atu.
3. Anō nei te mihi ki a koutou, e hoa mā.
4. E mōhio ana koe ia.
5. Piripi, haere mai!  
Āe, kei te haere mai ahau!

### Whakautu:

1. Ka haere pea mātou ki te hui āpōpō.
2. He rawe te hui. He tokomaha anō hoki ngā tāngata i tae atu.
3. E mihi ana anō ki a koutou, e hoa mā.
4. E mōhio ana koe ki a ia.
5. Piripi, haere mai!  
Āe, kei te haere atu!